



Pou Piblikasyon Imedya: 11/05/2021

GOUVÈNÈ ANDREW M. CUOMO

GOUVÈNÈ CUOMO ANONSE KONSTRIKSYON KI FINI POU EKSPANSYON SANT JAVITS LA

Pwojè konsepsyon-konstriksyon an respekte bidjè a malgre difikilte ki gen rapò ak COVID yo

Nouvo espas trè modèn yo pral ranfòse endistri ospitalite ak touris yo

Pati kle nan plan reyamenajman Midtown West Gouvènè Cuomo a

Gouvènè Andrew M. Cuomo te anonse jodi a achèvman konstriksyon ekspansyon Sant Konvansyon Jacob K. Javits (Jacob K. Javits Convention Center) 1.5 milya dola istorik la, ki pwouve efikasite pwosesis konsepsyon-konstriksyon an nan Eta New York. Pwojè masif la, ki pral ajoute 1.2 milyon pye kare nan tout espas ki gen rapò ak evènman an nan Kote Lwès Manhattan, te fini selon bidjè a malgre defi ki gen rapò ak COVID-19 yo. Ekspansyon Sant Javits la, ki te fonksyone kòm sant konvansyon ki pi frekante nan Etazini, ranfòse efò Gouvènè Cuomo yo pou kontinye wòl Vil New York kòm destinasyon touris, ospitalite ak biznis prensipal epi pwojè a sèvi kòm yon pati kle nan plan reyamenajman Midtown West la, sa gen ladan transfòmasyon Pier 76 la ki dirèkteman dèyè sant konvansyon an nan yon distans sis blòk.

"Re-investi nan enfastrikti nou enpòtan pou rekòmanse ekonomi nou an apre COVID-19 la, epi ekspansyon Sant Javits la pral jwe yon wòl santral nan atire moun tounen New York epi pou sipòte biznis lokal yo", **Gouvènè Cuomo te deklare** "Depi nan operasyon li kòm yon lopital kanpay COVID-19 rive nan pi gwo sant vaksinasyon nan Etazini, Sant Javits la te demontre enpòtans li nan rekiperasyon ak renesans Empire State, epi pwojè sa a ranfòse pati li nan lavni ekonomik New York."

Avèk ekipman modèn ak teknoloji depwent, Sant Javits ki agrandi a sou Kote Lwès Manhattan lan pral prezante 50 pouzan plis espas devan biling ak dèyè biling yo, gen ladan novo espas sal reyinyon ak eksposizyon yo, yon paviyon an vit sou twati ak yon enstalasyon pou rasanble kamyon ki pral akselere operasyon evènman yo epi redwi konjesyon nan sikelasyon an. Gras ak pwosesis konsepsyon-konstriksyon inovatè a epi bon planifikasyon ak kowòdinasyon, pwojè 1.5 milya dola a respekte bidjè a - malgre de mwa travay nou te pèdi akòz sispansyon konstriksyon ki pa esansyèl nan tout eta a pandan ane passe a. Espas twati pwojè a, ki gen ladan yon paviyon, yon teras anplennè ak yon sè ak yon fèm 0.40 ekta, pral fini nan semèn k ap vini yo.

Komisè Pwovizwa, Prezidan ak Direktè Egzekitif Jeneral yo nonmen pou Empire State Development lan, Eric Gertler te deklare. "Sant Javits la te yon vitrin vital depi lontan sa pou pyonye yo, konpayi yo ak antreprenè yo nan divès endistri k ap chèche mete an valè inovasyon yo devan nouvo piblik yo ak mache kle yo. Nouvo eskpansyon ki fini an ak amelyorasyon yo pral asire ke Javits rete yon destinasyon klas mondal pou konvansyon ak evènman de klas yo, nan ofri yon akèy enpresyonan pou vizitè yo ki soti toupatou nan monn lan".

Prezidan ak Direktè Egzekitif Jeneral Kòporasyon Fonksyònman Sant Konvansyon New York la, Alan Steel, te deklare, "Apre plis pase yon ane defi san parèy, ekspansyon sa a vini nan yon moman ki enpòtan pou vil nou an, eta nou an ak endistri nou an epi sèvi kòm yon siy espwa ak renesans pou Nouyòkè yo. Avèk nouvo espas dinamik yo ak yon konsantrasyon sou dirabilite ak efikasite, pwojè sa a pral redui enpak nou sou kominote an pandan I ap amelyore operasyon nou yo ak pèmèt nou resevwa pi gwo varyete evènman ke sa te janm ye anvan".

Direktè TVS la, Rob Svedberg, FAIA, te deklare, "Sant Javits la se yon moniman anblematik ak yon motè ekonomik esansyèl pou Vil New York. Avèk ekspansyon sa a, Sant Javits la pral etabli yon nouvo referans nan endistri a pou dirabilite, teknoloji, evènman fleksib ak yon enstalasyon rasanbleman kamyon inik ki pral redui anpil sikilasyon nan katye ozalantou yo. Yo pa te janm wè anvan sa panorama ekstraòdinè yo apati ekspansyon an andeyò vil la epi sa pral kreye yon eksperyans inik pou envite ke okenn lòt vil nan monn lan ka rivalize".

Prezidan Lendlease Construction LMB Inc., Steve Sommer, te deklare, "Nan non Lendlease Turner Joint Venture, nou fyè dèské nou atenn yon gwo achèvman konsa pou kliyan nou yo, Eta New York ak Kòporasyon Devlopman Sant Konvansyon New York (New York Convention Center Development Corporation) la, sou ekspansyon Sant Konvansyon Jacob K. Javits la. Lendlease Turner Joint Venture onore dèské li te konstwi estrikti anblematik sa a ki pral mennen Vil New York nan pwochen epòk milenè li".

Vis Prezidan ak Direktè Jeneral, Turner Construction Company, Chris Zegler, te deklare, "Se te yon onè pou fè patenarya avèk gwo Eta New York ansanm ak Lendlease, tout pwofesyonèl konsepsyon yo, ak patnè komèsyal yo sou ekspansyon enstalasyon klas mondal sa a. Se te yon eksperyans ki te vreman anrichisan pou ede nou fasone lavni Sant Konvansyon Jacob K. Javits la".

Sant Javits ki agrandi a, ke Kòporasyon sou Operasyon Sant Konvansyon New York la jere, pral prezante plis pase 200,000 pye kare nouvo sal reyinyon ak espas pre-fonksyonèl, ki gen ladan 54,000 pye kare pou evènman espesyal — ki se espas evènman ki pi gwo nan kategori sa a nan Rejon Nòdès la. Tout nouvo espas rankont ak egzibisyon yo pral ekipe avèk dènye teknoloji nan aparèy ekleraj, sistèm chofaj ak refwadisman yo ak konektivite san fil. Sant Javits ki apèn agrandi a pral prezante 500,000 pye kare kontigi pou espas evènman, sa ki pral ede batiman an atire konferans biznis entènasyonal. Plis pase 3,000 pano solè pral konstwi tou sou twati

nouvo epi ki egziste deja yo nan kad yon nouvo pwogram avèk Otorite Enèji New York (New York Power Authority, NYPA) la.

Apati 19 me, jan Gouvènè Cuomo te anonse nan kòmansman semèn sa a, ansanm avèk pwotokòl ke Depatman Sante (Department of Health, DOH) eta a etabli yo, Sant Javits la pral otorize resewva evènman nan 30 pousan kapasite avèk reskriksyon sekirite ki anplas yo, tankou distans sosyal ak antre deziyen ak pwen soti pou tout patisipan yo.

Depi 13 janvye, Sant Javits la te jere sant vaksinasyon ki pi gwo nan eta a ansanm avèk Depatman Sante eta a epi Gad Nasyonal New York la, ki bay vaksen nan plis pase 500,000 sant vaksen. Akòz tout gwosè sant konvansyon an, evènman yo pral otorize fèt nan espas ki disponib yo pandan operasyon sant vaksinasyon an ap kontinye. Sant Javits la te konstwi yon estidyo difizyon trè modèn ki kapab akeyi evènman vityèl ak ibrid.

Ekspansyon Sant Javits la fè pati reyamenajman ki pi laj Midtown West Gouvènè Cuomo a, ki te anonse nan kad ajennda sou Sitiyasyon Eta a pou 2021 an. Eta New York te dirije anvan sa pwojè makwo-devlopman reyisi yo nan Vil New York, sa gen ladan Battery Park City, Roosevelt Island ak transfòmasyon Times Square. Anplis Moynihan Train Hall ki ouvè dènyèman an, lòt eleman nan vizyon Gouvènè Cuomo pou Midtown West la enkli pwojè Konplèks Empire Station nan, k ap pwolonje High Line nan, ranphase Tèminal Otobis Otorite Pòtyè (Port Authority) a epi transfòme Pier 76 pou pase de yon pak remòkaj a yon pak bò dlo. Plan 51 milya dola a pral kreye 196,000 djòb, nouvo espas ekstèn, amelyore transpò piblik ak koneksyon pyeton yo, epi pote opòtinite lojman komèsyal ak abòdab nan katye Manhattan k ap boujonnen an.

Nan mwa mas, gen yon Demann pou Pwopozisyon ki te pibliye pou devlopman komèsyal oswa pou utilizasyon miks ki nan 418 11th Avenue, youn nan dènye pasèl vid ki rete nan Kote Lwès Midtown Manhattan. Se New York Convention Center Development Corporation yon filyal Empire State Development (ESD) ki posede sit apeprè 0.5 ekta a, ke yo rele Sit K, - e li sitiye dirèkteman nan lès antre prensipal Javits Center a.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)